



Här Claude Wiseler

President vun der Deputéiertechamber

19, um Krautmaart

L-1728 Lëtzebuerg

Cliärref, den 3. Abrëll 2026

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Verkéiersminister weiderzeleeden.

Wat den Zuchtrafic zu Lëtzebuerg ugeet, hu vill Bierger den Androck, datt d'Zuel vun de Vollspärungen vun eenzele Streckenofschnëtter - an domat verbonnen d'Ausfale vun den entspreichende Passagéier-Linnen - déi lescht Joren ëmmer méi zouhëlt an dës Spärung méi a méi dacks an déi gréissere Schoulvakanze falen.

Duerfir ginn et deelweis valabel Ursaachen, wéi zum Beispill den Ausbau vum Zuchreseau tëscht der Stad a Beetebuerg, well verschidden Aarbechten sou méi effizient kënnen ausgefouert ginn. Allerdéngs kënn et och dacks op Strecken zu längere Spärungen, wou keen Ausbau stattfënnt.

An deem Sënn géif ech der Madamm Minister gär dës Froe stellen:

1. Kann d'Madamm Minister eng Tabell presentéieren, déi regroupéiert, wéi dacks et vun 2015 bis 2025 inclus zu Vollspärung vun eenzele Streckenofschnëtter an deem domat verbonnenen Ausfale vun den entspreichenden Passagéier-Linnen an eisem nationalen Zuchreseau komm ass? Kann d'Madamm Minister zousätzlech opschlësselen, wat jeeeweils d'Ursach vun deenen eenzele Spärung war?
2. Opgeschlësselt no deenen eenzele Streckenofschnëtter a Passagéierlinnen: Wéi laang hunn d'Aarbechte jeeeweils gedauert a wéi dacks sinn d'Aarbechte parallel zu de Schoulvakanzen duerchgefouert ginn a wéi dacks ausserhalb vun de Schoulvakanzen?
3. Huet de Gidder-Trafic op deene Streckenofschnëtter och an alle Fäll missen annulléiert ginn?

Mat déiwem Respekt,

Michel Lemaire  
Deputéierten